



Općinski načelnik

Municipality mayor

Broj: 02-02-1-1716-2/24

Datum: 13.12.2024. godine

**Poziv na učešće u procesu javnih konsultacija o
Nacrtu strateške platforme Strategije razvoja Općine Olovo
za period 2025-2031.godine**

Na osnovu člana 13. Zakona o principima lokalne samouprave u FBiH („Službene novine Federacije BiH“, broj: 49/06 i 51/09), a u vezi sa članom 27. stav (3) Zakona o razvojnom planiranju i upravljanju razvojem u Federaciji Bosne i Hercegovine („Službene novine Federacije BiH“, broj 32/17), članom 2. tačka (2) Uredbe o izradi strateških dokumenata („Službene novine Federacije BiH“, broj 74/19 i 2/21), Općinski načelnik Općine Olovo donio je Odluku o izradi „Strategije razvoja općine Olovo za period 2025.-2031. godina“ (broj: 02-02-1-1716/24 od 29.08.2024. godine). U skladu sa tačkom IV Odluke o izradi Strategije razvoja općine Olovo (broj: 02-02-1-1716/24 od 29.08.2024. godine) Općinski načelnik donosi Odluku o imenovanju članova Komisije za izradu Strategije razvoja općine Olovo za period 2025.-2031. godina (broj: 02-02-1-1717/24 od 30.08.2024. godine) i imenuje radne grupe za izradu Strategije razvoja općine Olovo.

Nakon prikupljanja i obrade relevantnih podataka, održanih radno-konsultativnih sastanka Komisije za izradu Strategije razvoja, u saradnji sa Konsultantom na izradi Strategije razvoja općine Olovo, izrađen je Nacrt strateške platforme Strategije razvoja općine Olovo za period 2025.-2031. godina. Nacrt strateške platforme sastoji se od situacione analize, SWOT matrice, strateških fokusa, vizije, strateških ciljeva i indikatora.

Komisija za izradu Strategije razvoja prihvatila je Nacrt strateške platforme Strategije razvoja općine Olovo za period 2025.-2031. godina čime su se stekli uslovi da se ovaj dokument dostavi u proces obaveznih javnih konsultacija.

Konsultacije o strateškoj platformi traju minimalno 30 dana, a vrše se njenom objavom na web stranici Općine Olovo, dostavljanjem strateške platforme nadležnim institucijama na nižim, istim i višim nivoima vlasti relevantnim za strateške dokumente, organizovanjem javnih prezentacija, prikupljanjem i razmatranjem prijedloga i sugestija. Cilj provođenja javnih konsultacija je postizanje saglasnosti oko ključnih elemenata strateške platforme.

Javni uvid u stratešku platformu počinje od 13.12.2024. godine i traje 30 dana.

Uvid u Nacrt strateške platforme i formu obrasca za davanje komentara možete izvršiti na web stranici Općine Olovo (www.olovo.gov.ba).

Pozivamo sva zainteresovana lica, MZ, Općinsko vijeće, političke stranke, NVO/OCD da dostave svoje komentare, prijedloge i sugestije na Nacrt strateške platforme. Komentari, prijedlozi i sugestije se mogu dostaviti Općini Olovo predajom na protokol ili na dostaviti na e-mail adresu privreda@olovo.gov.ba **do 13.01.2025. godine.**

